

摘藻堂四庫全書薈要

集部

欽定四庫全書薈要

集部

御製詩二集卷二十八

詳校官原任編修臣徐立綱



欽定四庫全書薈要卷一萬三千三百五十四

集部

御製詩二集卷二十七

古今體八十一首

辛未六

過淮安

五兩順瞬息將百里郡城臨清淮蜿蜒聳堞雉土

堤與城齊一綫東流水切近俯閭閻意外虞難恃讓水

勢不能保障惟藉此瓠石費雖鉅為民無惜理爰以命

河臣形勢大端指歸舟相去聲設筵稍慰勤民意叶來來

司水土欽哉聆後旨有孚我弗問匪懈汝其矢尚令堅
比墉毋俾穿于螽

題錢選歸去來圖

泉明歸去賦清辭寄傲壺觴謝世知千載隱名偏藉甚
畫圖每寫泛舟時

洪澤湖

具區昨遙望浩汗含咸池洪澤茲重臨瀕洞撼地維尾
閭有籌畫駕言親閱之西瞻天無際南睇山一絲蘋末

息微風濤聲萬馬馳須臾排雪山拍岸還崦嵫漁舟及
賈舶出沒銀雲堆觀者為膽寒爾乃忘其危熱中名利
人吁嘻可以思

觀打魚

洪湖之水納百川仰流鱗集多鯉鯉水鄉民計欲一悉
打魚早見來漁船烟波浩渺舫艇集施罟潑潑羣魚急
適口但取庖厨充跳身寧惜波濤失揚子銀鮓節尚早
徐州禿尾未覺好鮮腥况匪素所嗜水族傷生殊不少

岸傍竭覽命罷之首夏正育鯤鯪時

初月

在江則滿江在湖則滿湖一輪虧復盈分別心曾無江
湖月誠佳而我見乃初前我不可窮後我復誰乎半鈎
又入夏適言旋浙吳清光映落花平野含蒼蕪徘徊武
帳中邈然思往途

閱高堰壩示河臣

建隄以衛民民安賴堤利設仍民受災堤存亦何濟洪

湖實巨浸高堰為障蔽猶虞盛漲時莫禦汪洋勢三壩
建尾閘節宣原有制何人倡邪說強與安名字云開天
然壩每歲成故事吸川所不恤澇田所不計惟保石堤
固河臣能事畢叶以此云稱職夫誰不能逮高斌覺此
非力排向浮議戒以隣為壑下河實受惠但尚虞意外
添壩請予示予謂三已多况五可輕試是與開天然實
同名畧異因與定恒規率視昨歲例仍舊貫者三更新
為者二三猶漲不減許可及次第下河數縣民庶免饑

溺累昨過清江浦名宦堤旁祀皆昔保堤人對民能弗愧

渡黃河

春初南渡夏初迴詩稿新添百葉纔應為貪多佳作少
蛟龍不遣繞船來

久聞

久聞黃河尾漸淤審然民瘼亟宜慮去歲春月閱永定
騎牆行水吁可懼不啻尾淤河半淤夏霖堤潰果旁驚

泛濫空懷瓠子歌至今未涸憐沮洳爾時南望增戚憂
未識金堤何以護茲來兩度剪黃流水由地中直東注
迴幹奔騰勢雄放雲梯達海須臾赴盛漲云或時拍岸
要亦歸川得其故人言紛紜難盡信解疑要在目親覩
叶

來宋元以後奪淮據

古之黃河在齊冀為歸墟自宋元以後漸南徙奪淮水之路並行入

海云齊驅赴壑有歸墟葦蕩寬深延套巨

自雲梯閣以下葦蕩延袤南岸

為十巨北岸為十套而清口淮水暢流會黃東注趨海之勢既專攻沙之力益勁矣

迴異渾流善

變更去歲過憂今始悟

去歲閏永定河有
未臨先懷憂之句

夕

中河一水送浮艫兩日舟行趁便途未免閒情顧洲渚
更看夕景翳葭蘆細評合作無多子靜憶前遊有是夫
漱灑蓬窻娥影入誰家玉笛按清都

舟行雜興三十首

用上下平
韻有序

歲在重光支維協洽稽省方于虞典諏吉日而南

巡式繩武于

堯年奉

安輿而時邁發燕冀歷青齊自華燈初試之宵閱社鼓
春祈之候爰臻南國直指吳疆御鳳舸而渡黃流
引蜺旌而臨淮浦汎光甍社水雲浩渺之鄉瓜步
邗溝歌吹繁華之會薨飛浮玉塔影橫江樹鬱松
寥潮聲到海虎丘鶴市豔吳苑之名都鶯脰駕湖
溯越溪之故蹟既而清塵浙省弭節明湖花柳則
春曉重堤烟雨則雲嵐三竺展精禋于禹穴訪稷

事于蘭亭以迨鍾阜言旋金陵暫駐考遺墟則鳳
臺牛首銷沉六代聲華問王氣則虎踞龍蟠依約
勝朝宮闕撫斯形勝暢矣良遊凡茲經覽之區伊
昔厯懷有日金堤保障平成之

祖畧猶新部屋恬熙覆載之

神功永戴聿循

彛訓誕布恩膏既民隱之周咨亦輿情之允愜黃童白
叟就瞻者載道歡呼青笠綠蓑沾塗者乘時力作

時則寄餘閒于篇什逸興過飛攄雄覽于江山豪
吟奔會具區三萬六千頃用助文瀾南朝四百八
十寺適供禪悅名園勝地每入拈題秀水靈山各
留專詠雖探竒無盡不妨遲待重來而觸緒有懷
未免牽縈爾日扣舷述事聊排上平下平點筆紀
時不拘江南江北體裁斷句綴以七言

三山也只一舟通疑在虛無縹渺中何似湖天空濶處
半帆新水坐微風

春霧濛濛傍曉封
姑蘓城外恰聞鐘
吳儂伊軋搖葉舫
舟過不教覲面逢

憑攜茶竈煮岷江
月在瓷瓶風在窻
此際且遲題七字
悠然靜會果無雙

最欣甌社與菱絲
春水如油拍岸時
款乃歌聲想漁樂
吳音吳語倩誰知

汀花岸柳媚春暉
亂剪吳江燕子飛
合喚天然王宰畫
擬詢工部是耶非

船窻有暇一繙書不為雕龍富五車
胸次曠如天水永眼前妙趣鳶魚

中間玉阜四周湖樓閣林花上下扶
設使伯駒為界畫不成圓嶠亦方壺

香水猶傳吳苑溪菜花黃入岸花低
隔堤不見林邊屋却聽雞聲三兩啼

古來佳麗數秦淮巷迴烏衣草半埋
只有清溪流不盡漁舟時泛白雲涯

西出梅花待我來
絳霞綠萼一齊開
肯教香雪容唐突
暫捨扁舟上玉臺

鏤雪裁冰品判春
枉教賡和屬詞臣
于今始識春消息
不到江南未是真

蜀岡一曲倚斜曛
芳草萋萋綠映羣
二十四橋風露下
只今猶有玉簫聞

楊柳青青護水村
連朝春雨漲柴門
女郎漂絮並門側
人去還留水石痕

八畫樓臺烟雨寒山陰一棹鏡中看
蘭亭逸少風流在信可東山傲謝安

若耶只隔一溪灣好似天風吹引還
寄我閒心與明月他年證取水雲間

六橋新柳冒春烟明聖波光淨碧連
檢校名賢千載上白蘓端稱號詩僊

靈鷲龍宮記寂寥山門仍聽浙江潮
果然佛力資常住德壽無踪問綺寮

漁艇天然雲水巢
新蒲戟戟釣綸拋
團團婦子烟波穩
不倩樵青作解嘲

碧山吟社亦多豪
殘碣猶存隱野蒿
偶泛梁谿尋贖跡
竹鑪第二試茶槽

石尤風息斂微波
入夕團團影玉娥
隔浦檣燈星萬點
引人遙夜思如何

青翰收帆泊渚沙
著安文榻近窻紗
醉魚水面跳明月
金玉離竒感浪花

雲飛川泳妙中藏
取法奚須泥漢唐
乍憶詩人五百載
石湖烟雨尚橫塘

烟雨樓前曉霧晴
花光在水月留楹
此時有興難成句
且聽流鶯柳外聲

高峰南北送遙青
空翠湖心落杳冥
吹徹洞簫歌水調
滿衣花露入西泠

別傳自有印心燈
却果誰臻最上乘
閒訪雲林話今昔
恰逢當日紫衣僧

六代繁華逝水流不堪遺蹟問荒洲
青山門外紅紗舫猶指前溪是莫愁

落日鯨波漾遠林莫釐縹緲接湖陰
水晶宮裏江妃宴激楚猶聞吳會吟

芄蔥綠隴麥含含桑葉初抽待飼蠶
檢點行滕攜數卷好詩端合在江南

吳下詩人沈德潛相商新稿去輕纖
却因宣席歡顏叙翻惹江鄉離思添

柁樓風正掛雲帆攬結湖山迴不凡
泊向清宵還可愛
鏡中朗朗夜珠銜

閩豆班集堤工

中河之水來青齊漕儲浮送輸京師
春常苦弱夏苦壯
節宣有道貴合宜去歲霖雨成異漲
六塘達海疏洩遲
河臣束手窘無策遂致蟻穴穿長堤
哀哉吾民懼水患
廬舍漂蕩田淤泥蠲租賑粟縱不惜
豈如樂業免溺饑
芟楫并力亟堵築宣房速就頗得之
設堤本以禦民患

不免衝決患益滋補偏救弊賴無隱博施膏澤何稽時
臨堤東望增吁嘻

題王蒙山水

蜿蜒磴道繞山腰古樹扶疎壘嶂堯壺裏人家崖口見
綠窻丹竈守仝喬

順風舟

好風送歸航一程消半日船趨所常有不必誇祥吉
逆風人所惡順風人所喜天地猶有憾異二奚免此

平原馬縱轡勁弩矢離弦將謂無逾疾今見得風船
小舟蕩雙槳每先大舟走掛席百里程乃覺瞠乎後
榜人慣行舟不令帆太飽因思益贊言鄙事合至道

四月八日漫作

浴佛傳佳節清和景尚妍每因逢此日不禁憶當年兒
女花真幻昔今時久遷齊雲遙在望愧我未忘緣

桃源耕者

桃源耕者存古風千畝合作衆力攻彼此借助相通融

不勞長官頻課農鳴鑼呼召羣來從閭閻親睦和氣濃
渡河經川舟可通閤堤策騎欣初逢兩浙三吳迴憶中
山容水態春翹紅不無寄興吟題重未若茲者愜予衷
不知有漢敷厖崇泉明記豈徒鑿空寰宇如是信大公
垂裳南面正已恭但思民欲難強同力田任恤俗化隆
為爾更切祈年豐

過宿遷縣

宿遷去歲灾加賑早降旨南巡春月過閭閻色未起憑

輿怒子愁是皆吾赤子鳩形或伶仃露肘多藍縷叶未
見切履懷况乎親見此不亟令安全豈其勤民理加矣
寧再加庶乎免轉徙承宣有職司供帳何藉爾留茲摠
大綱庶吏爾任使賑貸便宜行毋遺寧濫矣更戒忽遐
陬惟飾經途邇迴鑿忽兩月被野麥色美民心賴以定
吾亦因之喜進詢方伯臣三縣率如是
見前詩謂宿遷桃源清河元
氣詎易復稍救燃眉耳黃童及白叟駢肩道旁跼言謝
爾莫頻尚冀歌盈止

登陸

浙吳兩月熟舟行登陸剛欣得快晴畢竟北人還愛馬
不教南國久牽情却看樹色村前暗尚見湖光堤畔明
每傍綠陰還駐轡平疇過雨閱新畊

入山東境

南巡經兩月北上入三齊綠重雲千頃黃滋雨一犁馳
驅戒緹騎瞻就任黔黎樹影連村暗烟光幕野低寒輕
柳藏絮露重草含萸迴望江鄉渺無須惜解攜

瓊室

陸宿仍瓊室虛窓駒影留往來任南北寒暖適春秋乍
覺招新興兼宜縱遠眸頓移廬不改擬合喚原舟

謂平原之

舟也

五賢祠

有序

沂州古琅琊郡漢諸葛亮故里晉王祥王覽唐顏
杲卿真卿皆產其地舊有景賢祠合祀之嘉其純
忠至孝節烈彪炳足表範人倫紀之以詩

王祥王覽能全孝真卿杲卿均致身所遇由來殊出處
要推諸葛是金人

麥

青齊麥為秋民食茲攸繫南郡處下游衆水所歸地惟
恃夏收稔粗具終歲計去歲秋復潦拋荒耕未備春巡
悉民艱切切愁弗置蠲租早施恩加賑豈稽惠迴鑿重
經過田功覘次第來牟撲隴青懷新暢生意民心賴以
定吾意亦因慰

題洗硯池

會稽昨見墨池傳，重過琅琊憶晉賢。
舊里方塘稱洗硯，得名應在永和前。

堪尋故宅義之導

王導故宅亦近此

江北由來度外存，可惜茂

弘終不用陳。顏曾已進名言。

澤筆留稱疑信半，更聞父曠已南遷。
龍跳自是從童習，况距蘭亭祇卅年。

渡沂水

雨後漲清沂雲源入翠微長川謝浮舫廣衍可驅駢詎
有花光蘸還看草色菲春風忽已過吾亦詠而歸

題沈周碧山吟社圖

招提卜築背峻嶒靈竅中虛玉乳激十老高風餘古木
百年故蹟付溪藤琳池聽講看魚慣雲逕延賓記鶴能
阿那松庵依左側所欣我亦品泉曾

讀史

琅琊渡江表敦讓弗即真揖讓而救火誠然亦不倫按

劍叱撤座迫切爭廷臣周嵩進謹言不為附鳳人忤旨
守新安難兄即伯仁

雨

北方春末夏初時強半愁腸盼雨遲獨喜今年飛絮候
似逢南國熟梅期度川乍惜青山失霏隴偏欣綠麥滋
却為多人跋泥淖眼前真境繪蘓詩

楊柳驛

冒烟裊裊窳青絲叔子風流故若斯不獨佳名播梓里

襄陽兼有峴山碑

短歌行

北愁春旱南愁春霖以彼易此實獲我心北旱愁多南
霖愁少自北徂南厭哉行潦北雨今足于恒為喜而我
適南愁復不已愁喜倒置不近人情匪我則然兩兼孰
能

王明君

見面始知美反坐畫師罪何不未畫前一見免後悔

青冢月夜魂美人久塵土勿論魂歸時和親亦已苦
和親及增幣禦邊策非正誰歟作俑人禍端始婁敬

喜晴

黍禾阡陌播耕齊近遠新霑雨一犁更值快晴風日好
旅人跋涉免衝泥

麥秀

江南見麥秀已遲春之杪

江南人謂今年春寒故麥秀稍遲不然尚應早向日

青

齊見麥秀正及初夏早冀北風候夙所知麥秀益夏婪

尾時更聞閩粵當此際早充餅餌供晨炊自南自北皆
吾民乘時因地力作勤歎多豐少良苦辛歎為憂秋豐
為欣欣不藉人慰愁亦無人分控轡見此含含者不令
蹂躪馳車馬老翁鞫膾道旁踞停鞭一問資生計翁言
昨歲被偏災幸望麥收無麥稅

村行

雨後塵氛淨夏初景物繁白雲猶戀嶺綠樹已藏村芳
草馬蹄惜落花蝶翅翻觸懷堪寄暢林外亂鶯喧

謁

岱廟

岱宗遙望謝重登
岱廟森嚴玉陛升
祇有豐年祈帝貺
愧無明德答神憑
唐槐漢柏形容古
時景民風氣象增
迅矣三年成瞬息
向來欣戚總難勝

即景

綠樹連村曉景敷
紫花引逗露光濡
齊郊適值清和節
南國遙思櫻筍厨
薄薄梨雲燕呼侶
深深麥浪雉將雛

閭闔元氣期全復漫道歡聲已載塗

過泰山作歌

土父澤母山之根成形類聚精義存文王後天列八卦
艮兌交錯西南坤西南衆山祖脉惟崑崙其在艮維山
本體是為長白齊蒼旻轉折踰海伏而起岱宗雄長其
實尾閭拳石崇中原五嶽五鎮各覽二

東嶽泰山中嶽
嵩山北鎮醫巫

閩南嶺
會稽

崑崙長白姑遥跂以予所登興安大嶺巴龍桑

蘓台廣博崇隆列之嶽鎮有過之而無不逮吁何其名

曾不得與嶽鎮厠豈非古來版圖以外未得通文字儒
生各拘所見高位置山既若此餘胡獨不然蒼頡作字
天雨粟鬼夜哭其理信有豈是荒唐傳

聞河南得雨

去秋巡豫郊待雨播秋麥三冬復望雪切切咨宣席春
來舉趾初近遠濡甘澤來牟知遍佈芄芄撲隴陌所希
雨以時芒種庶滋碩青薺喜依旬接壤興遙憶風氣兩
省同麥秋重民食置郵來佳音兩河霑及尺餅餌定可

卜市價已減值西望為民慰忭慶手加額今歲幸時若
所歷同南北深惟損益機益凜惕乾德

賦得麥浪

非烟非水蹙紋如高下層層卷復舒生意肯教藏化蝶
祥符端合兆維魚三山碧海乘風近九穗黃雲湧雪餘
便泛虛舟詎憑險田農將以傲溪漁

題姚綬江南春雨圖

文會飲元同

軒名

倡酬皆雋秀琴樽興瀟灑芝蘭氣芳馥

叶

猗玕韵颯響濃黛拖遙岫頰壁度清風
茵簷點餘溜所期水乳投豈貴肴饌富傳真誰所為逸史雲東綬行勝
久相隨展閱吟情湊今歲江南春雨景我重覩

見芍藥戲作

從來花事盛吳趨春冷偏遲綻鼠姑今日風沙齋道側
亂頭祇見魏家奴

率題

率題非為少心情吳越燕齋早遍評肯擬西崑寄花柳

所欣南畝協陰晴，勾消春色篇中足。分付秋光塞上迎。

今秋將行園木蘭

兩日停吟閒不慣，揮毫頓覺腕嫌生。

南巡歷覽風土

暇輒吟咏臨池之功稍閒今迴蹕將入直境留題殆遍
晝長多暇濡毫遣興畧遜曩日得心應手之樂故云

渡運河即事

濃露暄曦初夏天，虹橋迤邐緩鳴鞭。運河重渡踰三月。

衛水遙源溯百泉。

百泉即衛源去歲曾至其地

東國漫留西去馬，南

風仍送北來船。青郊麥秀搖晴浪，所幸占秋兩省連。

曉

旅人不讓曉客路為乘涼埒露猶含潤林暎漸透光
英遙辨色麥穗欲生香江國餘清戀南雲忽渺茫

紅杏園

別館迴巡蹕閒齋書史陶偶然半刻逸無乃衆人勞
紫燕營花棟頽魚簇錦濤新題成舊什邈爾憶含毫

跋馬

跋馬烟村數日程麥將芒種黍齊耕去時切切愁農計

初春南巡過此
有麥未萌之作

歸為吾農一暢情

御製詩二集卷二十七

欽定四庫全書薈要卷一萬三千三百五十五

集部

御製詩二集卷二十八

古今體七十五首

辛未七

讀通鑑綱目

三五以前蹟杳茫三五以後滋益詳編年事例自涑水
正紀褒貶推紫陽列眉指掌示法戒四千餘年治亂彰
武帳幾餘一繙閱豈因巡狩懈就將但經觸目心輒警
不為博覽供詞章

雨

低野繡雲傍晚濃為霖疎密復春容清塵解熱頗宜旅
飽麥滋禾實利農北地希逢慰心切南江遙望寄懷重
又因盼霽歌漸石人欲奚能天盡從

晴

平郊快霽景暄妍絕勝江鄉潤溽連最愛懷新高下意
綠疇行處緩催鞭

迴鑿趙北口駐蹕

絲柳護隄修

鄭州北名萬柳隄

南巡返翠旂鏡光修改觀

去聲

駒

影信如流渚館聊停蹕芸齋一縱眸遠帆牕裏度永漏

座中留即景思江國連程指帝州明當辰弗集預命罷

龍舟

節近午日有司陳競渡之戲以詰旦日會先期修省已之

恭奉

皇太后南巡迴鑾之作

清溫序乍更春夏往返程將歷六千法

祖娛

親殷念遂省方問俗惠心宣所期赤縣足衣食頗慮南
邦尚管絃百歲修和匪易致勤思保泰益欽旃

午日奉

皇太后觀競渡

清蹕歸來未後時天中宴賞奉

徽慈江鄉早覺燈船鬧御苑初陳節物嬉誰擅鴻辭工
弔楚幾占烏影著洛義沿途麥好秋禾佈今歲承

歡畧展眉

仲夏承光殿

掄魁三歲屆返蹕九重臨憇息登崇址徬徊撫古林澄
懷寄雲水生意暢魚禽北會餘金殿南薰驗舜琴雨時
山早翠日永樹移陰敢懈祈年志憂勤與日深

靜安莊酌酒

早曾親祭酌金卮返蹕重臨淚寫悲忽過三年一瞬耳
那堪厚夜永思之了然未識蕉為鹿喟爾猶懷簪是著
無那從茲將日遠肩輿欲去命遲遲

雙忠祠

有序

乾隆十五年駐藏都統傅清左都御史拉布敦誅
叛臣朱爾墨特那木札爾其黨羅藏札什率兵助
逆二臣死焉贈以伯爵優卹而歸其喪於京師親
臨奠醊建專祠祀之命曰雙忠竝紀以詩

衛藏西南夷極邊入我王化百餘年始猶羈縻後執責
置兵為守防呼韓

雍正年間始命大臣駐彼
辛綠旗兵防守準噶爾

蒙古習俗

尚黃教得失視此為轉旋其何小醜背厚澤夜郎自大

輕王臣託詞承平勞物力示之大信休兵屯戍兄虐下

遂無忌更與外賊為牽援血人於牙搜財賄中梗驛路

軍書傳

朱爾墨特那木札爾乃頗羅奈之子朕以其父勤勞頗能安輯疆土封為郡王後頗羅奈故

襲其父王爵即說詞請撤駐藏官兵因念彼既以撤兵為請即不從適足以致其疑故如其請自此肆無顧忌戕其兄及姪荼毒所部遣使通準夷求援旋斷絕郵置軍書不達者旬日二臣覘其逆謀已露遂決計先事誅之

惟時奉命監彼土曰傳清暨拉布敦目覩逆勢日猖

獗炎炎不息將燎原戰守不可兵力弱官軍萬里阻蜀

門國事為重餘度外二人同心利斷金叶知無一生有

九死但期濟事酬深恩朱爾墨特那木札汝來示汝大

義存天無二日爾二日爾忘爾父叨藩翰允渠稔膺力

已張去聲藐視二人何有焉籠中之鳥砧上魚西藏指日

據有金挺身來見忽疑慮潛呼羣醜施戈鋌傳卿直前

扼其臂逆王命者誅無延拉卿拔刀割其脰罪在魁首

無牽連羅藏札什其羽翼走險叫詛豕突然桀犬吠堯

各為主蜂屯蟻聚來獯豸吁嘻二臣力不逮如歸視死

雙軀捐小醜烏合旋就縛駢首就戮長竿懸逆誅順撫

妖氛靖衛藏萬衆如一言忠臣報主有如此智勇兼濟
誠通天昔每椎心今吐氣如披雲霧瞻蒼旻不勞一旅
翦渠寇豈止萬命免沉淪尸祝社祭衆夙志虔伸絕域
千秋傳靈輿肅肅歸故里建祠臨奠恩頻宣錫爵賜封
延後世志予哀悼旌勳賢雙忠之氣浩千古雙忠之力
敵萬軍罵賊有似奮常山誘致大異斬樓蘭雙忠蹟略
傳斯篇他年以待信史編

雨

五月十四日

田無高下已齊畊意愜三農擁蹕程剛覺日來炎氣劇
恰逢曉破濕雲生寸餘接到泉膏潤爾許添成樾蔭榮
麥屆望秋虞過潦便欣霞腳晚天晴

題姚綬寒林鸛鶴圖用高士奇韻

鷓鴣何曾畏北風

俗云鷓鴣
不過淮

雕籠常鎖海棠叢竹牕既

有江湖思底事頻懷玉禁中

用士奇
句嘲之

高梁橋進舟達昆明湖川路攬景即目成什

玉泉一脈溯源頭湖闕昆明瀦衆流近郭石橋橫蟠螭

曉涼命進木蘭舟

狀元雨過天如水

是日傳臚
昨朝值雨

丞相舟平水似天昨日宮

城憑望處西山新翠霽光鮮

臚唱典成迴御園川途取便弄潺湲掄魁漫道三年例
舟楫從來箇裏存

快晴景物值薰嘉白芷青蒲感浪花
花壁社菱絲隄畔柳
風帆一樣逐橫斜

昆明湖上作

靈池虛受安魚龍詎止鯨機溯漢蹤燕地波含滇海月
西山影寫北高峰名稱取合原無定佳處遊多得未逢
新闢水田千頃綠喜看惠澤利三農

萬壽山

有序

歲辛未喜值

皇太后六旬初度大慶敬祝

南山之壽兼資西竺之慈因就甕山建延壽寺而易今

名竝誌以詩

選勝廓精藍延

禧資釋曇山名揚萬壽峰勢壑千嵐寶網鴻祥集璇池
浩澤涵載賡天保什長願祝如南

飼魚

池上趺然響魚來不俟呼飽餐搖尾去可以驗中孚

賦得五月鳴蜩

綠柳度蜩鳴池塘快曉晴應時剛五月鼓翼試新聲受
露悠揚潔合風宛轉輕寒蟬真覺愧觸景一關情

題竹根筆筒

嶰谷靈根幾百年自然成質謝雕鏤近陳棊几平而妥
列貯霜毫靜以便豹變留文疑霧後龍形寫葉憶風前
搗詞定有凌雲槩元氣淋漓箇裏全

仲夏香山

翠風香霧蔚林間咫尺名山試閱諸稍攬結來中夏景
畧延俄過半年餘依泉展席偏宜靜納嶂開牕不礙虛
恰趁今朝幾務簡相饒滌慮一翻書

連林雨足濯煙鬟佳趣欣於得此間入室依然忘來往
對峰難與較忙閒風前竹韻金輕夏石罅泉聲玉細潺
湲口去年曾駐罕遙羸白傅占香山

玉華岫口號

精舍倚屢屨憑臨觸目宜雨時山翠早夏閏晝炎遲詎
可方之畫未能忘者詩率成四十字筆研鎮相隨

碧雲寺

翠深初地淨無埃疊嶂威紆澗戶開松韻泉聲都好在

一時興會又新來

偶讀韓休傳書事

忘蕭尚祇情之薄薦李真為亂所從天下肥甘一人瘦
相需誼實負元宗

靜室

結宇最高處天風戶牖生鄰虛自能靜視遠得惟明開
卷晤千古忘荅澄六情囁花禽蹴落帶露點棋枰

遠壑咽幽泉長空低霽烟翠峰容澹古綠樹色華鮮悟

物思遙託悅心非外緣懷新千頃意便覺勝常年

玉乳泉

白屋三間俯一泓坐來心目了然清今年雨足山泉壯
遠答松濤雲外聲

不許出山雜塵海長教淙石守雲湫靈泉南北猶殊性

奚怪人分剛與柔

北方山泉每出谷則伏流而不見若南方山泉出谷則成川矣此南北地

氣剛柔之異而人之性情風俗亦隨之物物易簡於此可見

嵌崖乳竇窅而深冰七條鳴太古琴何必吳山千尺雪

會心隨處滌塵襟

靜坐

泉清喧即寂谷深夏亦寒
颯然松竹陰展席聊盤桓
吳越山水窟兩月資遊觀
未擬較塤篪將誰笑筌寓意
而不留雲飛心自閒

賦得木從繩

得深字
八韻

名山育良木大匠顧而尋材以從繩
正力維支厦任艾
繇去枝節信度戒奇淫詎似莊樗棄難辭
剛斧侵離婁

明已度入聲輸子巧重斟中矩符懸執無袞合藝歲棟梁
終有用師保式如臨說復真君鑑千秋示誠深

夏至齋居

逼閏節候遲北至月將徂致齋居法宮薰風度瑣疏雨
時祛炎歎晝長屏讌娛靜驗消長機切體治亂塗終始
慎厥與斯言良警予

誓戒勅有司大祀簡庶務萬幾惟一心豈有可息處春
巡經四省率幸春苗佈桃源數州縣歛後常厯慮來秋

究何若咨詢馳驛路譬言父母憐子尤切於新晤

沉沉中禁夕丁丁高漏遲翩翩燕羽顏細細花氣翻英
英雲復佳夜雨庶可期甘膏豈辭多禾黍率長齊因憶
當往年正歌雲漢時

夏至日

方澤祀事禮成有作

質明有事裡

方澤短夜無眠數漏籤邊豆惟馨陳黍稷降升斯恪式

精巖

恩叨登麥秋逢有念切滋禾雨繼霑
玉几年年親奠帛敢辭星火候方炎

雨

澤壇歲殷薦林宮駐清蹕密雲低晚天清風遞虛室雨
聲聞枕上不徐亦不疾春膏今歲佳喜獲望外出邇來
覺稍炎希澤已數日茲雨信稱時可卜農功吉晚田利
禾苗宿種益麥實敢云能受福益以凜無逸

賦得閏月定四時

得欽字
八韻

放勳明峻德首切授時心懸象占賓餞推天示摠林義
和洛叔仲寒暑酌盈侵置閏昏中定歸奇卦勅尋成章
分氣朔同律協陽陰三百六旬準春秋冬夏謨明堂靡
左闔高閣漏低斟萬古疇人則司民是所欽

雨後御園即景

雨足園林淨綠涵樹生涼籟草生馥幾多心慰黍禾茁
一晌幾閒書史耽何必義皇傲牖北非關山水憶江南

即今時若休徵應保泰還恒玩九三

青芝岫

有序

米萬鍾大石記云房山有石長三丈廣七尺色青而潤欲致之勺園僅達良鄉工力竭而止今其石仍在命移置萬壽山之樂壽堂名之曰青芝岫而係以詩

我聞莫釐縹緲乃在洞庭中湖山秀氣之所鍾爰生奇石竅玲瓏石宜實也而函虛此理誠難窮誰云南北物

性殊燦濕此亦有之殆或過之無不及君不見房山巨
石磊岌岌萬鍾勺園初築葺旁蒐皺瘦森芴立繩幽得
此苦艱澁致之中止臥道旁覆以葭屋繚以墻

出萬鍾
記語

年深屋頽牆亦廢至今竅中生樹拱把強天地無棄物
而况山骨良居然屏我樂壽堂青芝之岫含雲蒼推鬼
刻削哀直方應在因提疏化以前闢元黃無斧鑿痕剖
吳剛雨留飛瀑月留光錫名題什翰墨香老米皇山之
石穴九九未聞一一穴中金幢玉節紛縈糾友石不能

致而此致之力有不同事有偶智者樂兮仁者壽皇山
洞庭夫何有

御門日作

時閏五月五日

勅樂咨卿尹宅俊引庶士勤政勉居諸

家法匪今始瑣禁及林苑一例無二理作所凜書義行
健玩易旨御門實舊典孜孜厘治體雨後曉氣清殿閣
薰風美庶務既裁餘獨對亦察適傍午試豫遊觀農心
為喜閏月不閏節龍舟開可已

近試新進士朕命以閏
月定四時為題應試者

有競渡繼清音之句雖詩人咏景別裁無所不可然
賞亟則敬勤弛故不命重陳龍舟之嬉末句並及之

讀宋史

則平輔藝祖創業定九州闔戶讀論語臨政決如流惟
是持綱要不以枝葉求廳中置大甕簿書一以投滿即
焚通衢無稽時為去聲休後來孰稱賢太初平陽儔水旱
常入告幾先見事周然於陳利害報罷多無留二公豈
拒言惡人攻已尤仗馬喻百官千載徒貽羞伊尹志有
無毫釐千里殊叶君相更異勢達聰邇言收用中有權

衡槩絕非良謀

泛月

踰弦魄影漸生光溪面風過帶細涼青雀不須牽錦纜
依稀烟柳度江鄉

湖澗分明受月多隄翹溪豔鬪波娑清宵撿校花難辨
櫂趁芳颿弄淺波

迴汀容與泛清漣近水樓臺蘸影鮮一晌忘言欣靜觀
去聲 平湖烟景似常年

不濕寒光瀲灩浮瘦於冰鑑潤於鉤嫦娥似與秋為約
已遣飛螢度渚流

黃山松樹子歌

我聞黃山其峰三十六水源三十六高高插天雷雨在
其麓靈仙窟宅奧且祕嵌巖此處多喬木松膏入地為
琥珀黃帝容成以鍊丹砂得仙籙老松蟠根閱千載剛
斧不能移之乃有新松側出裂磈磊新松一一皆古形
樵人好事連根采挂千尋壁枝天矯采者長絙繫軀窮

窈窕巧斲山骨得全株嗟哉為利忘軀殊不少金幢瓔
珞紛縱橫亞盆插壘合濃青如繪蓬山列仙會垂髫之
童皆老成黃山之松今即古黃帝容成何處所

浩歌行

黃金何以藏巖山珠玉何以捐湖泉重華所寶不在此
金珠自在山泉間不事採求貴異物曰藏曰捐豈不然
晉武焚雉裘羊車駕末年貞元明詔却瑟瑟瓊林大盈
乃計錙銖焉不恒其德飾觀聽其究鮮不笑柄千秋傳

重華非歲亦非捐慎莫誤會陸賈篇

白鷓行

鷓之與隼如枳橘鷓鳥之中俊莫匹是皆其色雜蒼黝
如雪白者萬無一矯然致此白將軍悚立一朵梨花雲
玉架金縵不放手爾行其義我行仁嚴若郢都飛李廣
問鷓何來來海上蘭臺令史頌白雉詎奮奇功酬拳養
鷓乎鷓乎秋其德而幸其色殊毛出衆非改常致用求
真正相得

討源書屋疊舊作韻三首

泉石依今賞詩書與古偕豈矜勤學問漸得契根茲翠
嶂紆屏戶澄流曲帶階北牕風亦至惟覺慚去聲無懷

小別時成久頻來句漸多濠梁寧此異谷口更誰過南
陸遲朱鳥西山疊翠螺邇來晴雨協農父慰如何

視事疇咨罷扁舟泛渚園漪分錦繡色籟奏管絃言澄
沼平堪鑑新篁近可捫三唐看遍下思欲返其源

懷仙 有序

偶讀王勃懷仙之什其序以為思解纓紱永詠山水神與道超迹為形滯云云夫勃固蕭然無與之人也其不解纓紱乃自不解耳若夫佛仔肩而無可息者懷哉復當何若因敷其體情見乎辭

三山鳳麟洲邈在溟海中碧琳十二樓上出層霄空黃金以為臺紫雲以為宮瑤葩及芝草吹馥姍巖風仙人三萬歲其貌如青童我欲從之遊學彼訪崆峒可一不可再再者路莫通至今海上夷尚傳徐福宗形滯甚于

安悵望將焉窮

夜雨

夢醒余簟寒淅瀝聞枕上殷雷忽鼓勢簷溜漸作響二
麥已登場黍禾方怒長不雨固亦可雨更資長養今年
春膏足北望愁眉放南巡迴月餘晴雨曾未爽祇益敬
無逸敢侈豐有象

屈指十年餘居恒慣獨寢豈欲習清靜矯為其已甚耐
睡姑置之何以安衾枕試告貪眠人同志自所諗忽憶

初政時或逢歲不稔中夜起望雲怒焉淵冰懍寬言慰
於側休戚相詢審及其逢降康喜亦同於朕而今其人
往懷哉恨徒飲

賦得荷珠

雨後一憑欄荷擎顆未乾光呈鮫女泣妙契宋儒觀無
縫分還合流形碎復團陸離真莫測擬議轉難安似汞
方啼鼎同珠欲走盤水仙如整髻贈此綴為冠

初晴落景

暑雨既已霑徂雲亦宜霽澄宇徐露青遙峰漸呈翠颯
爽恰謀體豁暢真諧意餘情寄問景殷憂解望歲籌治
遜貞觀敢尚物外志

唐文皇初晴落景詩有寄言
博通者知予物外志之句

茉莉

薰風拂井欄茉莉倚欄開香色及姿態誠不減寒梅胡
乃人所重高下相殊哉值時有難易立節貴不回板蕩
識忠臣蘇武信難儕

江南弄

江南弄吳國絃韶秀山川澹蕩天照耀朱樓綠樹輕盈
翠蓋蘭船誰家殢意期來轂何處離情怨去鞭去鞭來
轂紛無已借問誰能忘憂喜忘憂喜長流不盡春江水

採蓮曲

閒泛看蓮船因作採蓮曲葉嶼花潭六月春仙種何須
誇五沃紅葩綠蓋亭亭在由來意採勝人採綠女三千
古已奢霞賤七字今誰待採蓮宜何處宜在江之南吳
嬌越豔素手纖香凝羅袖柄絲拈深情不語愁喜兼我

寄遙心在明聖早歸未待風荷盛採蓮一曲補遊興

池上居

每遣閒中夏愛憑波裏天松篁披靜籟書史究真詮樂
意參魚計吉光玩畫禪

所携畫禪室中真蹟每駐蹕圓明園卽於是室貯之

吟安

剛五字一晌似常年

率題

鸚鵡倒掛架潑落食與水瓦雀鷓食之嗔怒鳴不止利
既不屬已惠何妨逮彼因貪入異類而仍貪未已出納

各有司得毋似乎此

建蘭

建蘭來閩嶠國香突等倫葉攢蒲劍青花噴沉檀芬母
當冀北夏恰報甌南春玉堂以為居朱草以為鄰深山
大澤間寧無紉佩人

題張宗蒼山水

畫法通為學挈要有二道取師貴其真閱歷貴其老婁
東有遺派今見宗蒼好名山遊已多鬚鬢皤然皓長卷

出經營意超泉石表繪事屬鋪張偏能脫華藻

萬壽山新齋成

濟運疏名泉延

壽創刹宇山水增斯輝禽魚得其所據勝聊築構軒齋
儼就矩北戶延螺峰南榮俯璇渚罷臺慙漢文卑宮法
夏禹

辟戒錦繡帷堂施翰墨筵探蹟披書林契鈔忘魚釜近
挹岫出雲遠睇波含烟恭已凜無逸殷心祝有年

和聲署

有序

向來和聲署禮部主之遇正朝慶賀取市販鼓吹者流充其數音節舛錯不可問且粟錢虛糜此不特白居易立部伎樂府所譏矣既審定律呂乃命易以內府承值極知梨園司簫韶將有人議其後者然今古異宜典樂胄子之教既失則責士大夫以吹笙鼓簧將有不能俾能其事者器使而効所長不猶愈於潦倒傭伎之介廁冠裳間乎因效樂

天體為是作且見意也

和聲署異神樂神樂太常司郊廟登歌奏笙簧籥音節略
誤其禮存未似唐制立部所退人

白居易詩注云太常
選坐部伎無性識者

退入立部伎又選立部伎絕無性
識者退入雅樂部則雅樂可知矣命工改正旋合度不

以他用用饗神和聲署禮部司太和三大節萬國衣冠
時署中餼廩有人支陞上塤麓乏人吹乃取市販鼓吹
兒以調宮徵充工師欲望獸舞鳳來儀誠哉有如居易
樂府詩內庭承值雖優孟命習宮縣歸以正古人擊爾

泗濱石今人棄爾華原磬和聲署今即古文武之政在
方策其人存則其政舉何能海上喚師襄夏擊鳴球列
朝序君不見小學廢樂徒云借問和聲署安得衣冠倫
懷哉簫韶九成不得聞

批摺

題疏核明試摺奏取密捷孰不關民瘼一一親批答勤
政匪今日謹守成家法劍川報地震窮黎被傷罄汀郡
復報水驟漲浸城堞一日聞兩災南望心怵懾怵懾豈

徒云濟衆有區分，詎貴修省名而忘實政。仁發帑速出，積發粟速出，陳救災如救火，寧濫毋遺貧。大端既粗示，善推致諄諄。豫齊麥有收，暘雨時皇州。邇來心畧慰，覽摺頓增愁。勤民不諱災，我志字遐陬。是以九州牧，直陳無顧留。李沆獨見稱，未必真嘉謀。

夏日玉泉山

蘭棹遵川途，水風散空闊。颯然衣袂寒，祝融權為去聲奪。

玉泉衆水源地靈，遠塵窟標勝。搆築久嘉樹，成清樾徘徊。

徊吟舊題頓覺經時月遊覽性所便每恐妨幾務離宮
閱年多偷閒纔一顧選勝重經營豈乏容膝處尚新人
盡然予詎免此悞

羅漢洞

吹竅送勁寒凝珠滴濕潤北虛既生白砥平仍俯峻斬鑿
巖棲變相龍象紛騰迅逐景一清遊底慮啗靈運

讀史效白居易體

貞觀出宮女當時傳美政一日放三千怨曠各遂性詎

是盡遣去掖庭之承應料祇減其半率已銜恩慶六千
其居常三千其僅贖不知大官庖日膳何以供叶而今
合三宮五百備使令美政不能法後世論姑聽

讀漢文帝贊率題

罷臺自屬敷勤儉記載寧無稍失真設使蜀山畧分
賜早教衣蔽慎夫人

雨晴即景

快雨銷炎復快晴披雄襟袖颯然清晚來翠嶂皆新沐

時矣良苗總怒生畧慰祈年思鮮遇便因問景試閒行
即今仍擬西成望那間孜孜卜度情


牙簞

玉架鶴不慕珠籠鴻反驚珠玉信珍美鶴鴻胡見輕物
各貴其宜用得當為榮葛簞以涼薦牙簞以貴稱巧匠
縷象齒編織成桃笙底慮焚以賄欲擬涼如冰長短量
牀裁妥帖敷席平雜組為之純照耀四座明聲價有足
誇美觀亦奚憑握擱縱密綴善刺骨性恒絺綌况薄脆

鍼羶坐豈寧燕息姑舍是湘紋安且清惟取適用實匪
慕崇儉名



御制衣詩二集卷二十八



總校官庶吉士臣侍朝

校對官檢討臣郭寅

校對官中書臣馮培

謄錄貢生臣李垌

謄錄監生臣張孝基

欽定四庫全書薈要

集部

御製詩二集卷二十九

三十九



詳校官原任編修臣徐立綱

欽定四庫全書薈要卷一萬三千三百五十六


集部

御製詩二集卷二十九

古今體九十三首

辛未八

 皇后親蠶圖成命弄藏蠶館竝誌以詩

 竝重以身先創舉崇祠薦吉蠲秋葉哀蟬驚一旦
春風浴繭罷三年宛看盆手成新卷益覺推心憶舊絃
柘館蕭條液池上分明過眼閱雲煙

題鄒一桂山水

堞樓近倚大江邊一片虛明萬里天石劍倒青如劃水
林扉拖白不藏烟時時細雨出耕犢往往斜陽聚估船
此景親從南國見披圖漫訝想當然

雨後御苑泛舟

急雨初過晴亦佳蘭舟閒泛錦雲涯峰姿濯翠入澄照
鏡影含虛愜曠懷一擢忽忘原液沼數灣擬欲學秦淮
春遊小憶吟詩稿高閣旋聞報午牌

題張宗蒼畫

飽挹煙霞趣來為山水圖學王無刻畫似米不糊塗綠
樹高扶嶂白沙遠帶湖携張宗蒼係今年南巡始知善畫因携以歸留別
沈詩畫信歸吳

舟行遇雨之作

視朝侵曉法宮旋擊汰長河取路便膚寸膩雲纔布宇
須臾飛雨到前川

涼切生衣剪玉絲黃頭鼓柁進舟遲溪烟岸柳空濛意
大似江南雨渡時

邇來晴雨適人心未泰懷新茂不禁轉為多將辜滿望
烟空騁目頓憂深

董邦達谿山秋霽

樹欲飄揚風欲吹徂雲不勝一絲絲卷舒慣作秋前景
颯爽正當雨後時出硤石泉如奏筑落林橡子似敲棋
坐來心與高空暢此景天然稱我詩

賦得僧敲月下門

月上驚棲鳥山僧歸自鄰應門之五尺叩扇借孤筠小

立莓苔滑低臨松竹勻上人權在外守者未生嗔詎濕
袈裟露馮參鄉音寂塵維摩不二法司戶有前因剝啄原
無礙形容直逼真本來敲絕好推字想欺人

自高梁橋泛舟迴御園川路曉景即日

長川濃露濕煙蕪舟趁晨涼暑若無間有樓臺臨曲岸
勝他粉本廣陵圖

煙村遠近豁新晴翠濯西山一燈橫此際恰同農父志
半懷真憂喜望秋成

秋蟬口號

已知遇閏立秋早秋信猶嫌人未知一箇秋蟬忽先唱
警人聲在最高枝

寓興

大人不親細三公坐而論所論為何事敬法兩字諄宜
敬法者誰曰

天與

祖宗叶然貴行以實匪貴徒名存處奧如太簡媚竈或

競奔散袴斯已約程書斯已勤勤約豈不佳失要反致
屯恭已正南面未可易易言

飲魚

賦芋較三四喜怒在目前而魚既非狙且在深淵間喜
怒豈形色饑飽誰與傳子產亦智者欺方被校人上林
例孳育澄池富錦鱗守者日竊饋欺魚不能言魚亦不
復來是響反遁焉因之試親飲投饒惟淪漣一再餌之
熟喁喁羣爭先可知非尅減錦鱗胡潛淵謂魚不能尅

其理信未然

移竹

池邊伏裏種篔簹挺立森森百个強
今夜牕前應有雨
為傳畫意到瀟湘

風翻鳳影低芳堦月寫龍文入綺寮
却憶雲棲幽絕處
萬竿綠玉憂仙韶

螢

點點螢光入夜流
人人心有幾分秋
而今不解資勤讀

祇解宵行引客愁

日出行

日出東方雲散中天夜來好雨朝晴豁然適日頗欣晴
雨時亦惟時矣愁益滋三百六旬例一睫六龍歷天而
不知爍火其勞乎魯戈真誕兮洛汝和洛汝義其何能
終古無薄蝕萬物久照澄光輝君子有過其固也日月
之過維何其誰能叩天一問之

昆明湖泛舟

何處燕山最暢情無雙風月屬昆明侵肌水色夏無暑
快意天容雨正晴倒影山當波底見分流稻接垆邊生
披襟清永饒真樂不藉仙踪問石鯨

六月九日暑風新爽御門聽政後率諸王大臣等
泛舟觀荷有作

仙侶招携泛碧潺偶然尋勝值樂閒一天新霽豁愁意
五沃名葩破笑顏走承露圓紛葉嶼噴蘭風爽度花灣
遐思未泰懷新好吾樂原非在此間

燕山八景詩疊舊作韻

瓊島春陰

承光殿之北孤嶼瞰臨北海相傳為遼之瓊華島
上多奇石宋艮嶽之遺金人輦致於此今為水安
寺悅心其便殿也

艮嶽移來石岌岌千秋遺蹟感懷多倚巖松翠龍鱗蔚
入牖篁新鳳尾娑樂志詎因逢勝賞悅心端為得嘉禾
當春最是耕犁急每較陰晴發浩歌

太液秋風

太液池在西苑中亘長橋列二華表曰金鰲玉螭
北為北海南則瀛臺西京賦所稱滄池漭沆列瀛
洲夾蓬萊者方斯茂矣

微見商飈蘋末生鏡瀾玉螭影中橫非關細雨頻傳響
何事平流忽有聲爽入金行閣闔表波連瑤渚趨臺瀛
高秋文宴傳佳話已覺犁然今昔情

玉泉趵突

西山泉皆湫流至玉泉山勢中豁泉歆躍而出雪
湧濤翻濟南趵突不是過也向之題八景者目以
垂虹失其實矣爰正其名且表曰天下第一泉而
為之記

玉泉昔日此垂虹史筆誰真感慨中不改千秋趵突
幾曾百丈落雲空廓池延月溶溶白倒壁飛花淡淡紅
笑我亦嘗傳耳食未能免俗且雷同

西山晴雪

西山峯嶺層巖不可殫名因居京城右輔故以西
山槩焉高寒故易積雪望如削玉今構靜宜園於
香山輒建標其嶺誌之

久曾勝蹟紀春明疊嶂嶙峋信莫京剛喜應時霑快雪
便教佳景入新晴寒村烟動依林臬古寺鐘清隔院鳴
新傍香山構精舍好收積玉煮三清

薊門煙樹

水經注薊城西北隅有薊丘明人長安客話謂在

今都城德勝門外土城關即其遺址旁多林木蒼翳蒼翠

十里輕楊烟靄浮薊門指點認荒丘青帘貫酒於何少
黃土埋人即漸稠牽客未能留遠別聽鸛誰解作清遊

梵鐘欲醒紅塵夢

覺生寺大鐘在此北

斷續常飄雪外樓

盧溝曉月

盧溝河即桑乾河水黑曰盧故以名之橋建於金
明昌初長二百餘步由陸程入京師者必取道於

此

茅店寒雞呶喔鳴曙光斜漢欲參橫半鈎留照三秋淡
一竦分波夾鏡明入定衲僧心共印懷程客子影猶驚
邇來每踏溝西道觸景那忘黯爾情

易州建

秦陵

居庸疊翠

居庸為九寨之一見於呂覽淮南子其跡最古酈
道元謂崇墉峻壁山岫層深路才容軌為得其實

云

斷戍頽垣動接連當時徒說固防邊洗兵玉壘曾無藉
守德金城信不穿泉出石鳴常帶冷日含峰暖欲生烟
鳴鞭阿那羊腸道可較前茲獲有田

金臺夕照

黃金臺見志乘者有三一在易州都城有其二與
地名勝志云在府東南十六里又有小金臺相去
一里今朝陽門東南歸然土阜好事者即以實之
所傳古蹟大率類是

九龍妙筆寫空濛

石梁竇笈有王綬
燕山八景圖真蹟

疑似荒基西或東

要在好賢傳以久何妨存古托其中
豪辭賦鷲誰過客
博辯方孟任小童遺蹟明昌重
技檢畢然高望想流風

當壚曲

當壚設酒筍蘭陵鳴絃撥
振吹湘笙美人勃宰流蘇屏
雲裳半掩揚新聲休言不使
流雲行亦不招鳳來舞庭
凰來恐學秦公子雙雙騎去
無踪形雲停終須復散去
楚王臺上空餘情當壚曲良
獨苦迎來尚易工送別多

悲楚不問新聲可動人但問衣帶寬幾許

熱

夏德在暑熱其宜炎威卓午朱明披金行明日立秋節
縱復鬱燄知幾時

立秋日作

一氣傳金皞三時入白巖拂筵驅伏暑披袂迓新涼風
葉荷增響露英花遞香晚來急雨過恰好應農祥

生秋庭作

一日生秋遍生秋此處多清陰猶張王

二字皆去聲

細卉已

婆娑柱礎全收潤池塘欲作波快晴心共豁徂暑物含
和更敞虛明牖還延青翠螺髻間五載咏睫眼訝無何

爽

立秋已三日新爽逐日添霉潤消階祀颯涼著衣衫芳
飈度襟英莎蛩語幽潛代謝不相讓義御無停驂撫此
懷惜陰汲古資幽探

讀賈島詩題句

袈裟雲水伴鐘魚歌鳳將同楚接輿設使不逢韓吏部
豈知名教樂非虛

新秋靜宜園二首

入秋氣已爽入山秋更別巖風峭送涼澗泉幽以冽
輕雲猶戀宇而勢不能結高空漸次寥洞壑殊清絕孤
亭堪騁目方罨綠雲列指日待西成顧茲實怡悅

山蟬亮其聲飲露發清響蒼翁然濃翠中紅葉見三兩動
植均知秋吾胡不延爽朗開納涼牖閒披却雨斲謾然

聆松濤濛思發奇想

寶珠洞

趁涼尋勝賞快霽暢崇情行意遵山徑遊晞倚榭楹涼
泉含古味謾籟帶秋聲豁達烟霄上憑陵萬象呈

香界寺得句

盤逕下峻嶒畝平得梵宇迴視若降高俯瞰故高所能
仁泯名象剎那例浩古而况昨今歲夫何異來去叶我
乃覺其異此道未足語入山爽異常快晴秋倍新澄宇

豁空濶虛牖堆嶙峋野鳥聲不俗草蟲吟可人淨理了
堪悟勝賞良有因

靜室

香山靜趣雅相宜一室居然靜會茲拈毫構思渾難得
祇合忘言默識之

卉歛天風吹絮雲一空霽景與秋分香含華黍西成近
心為宜暘慰且欣

涼送巖風秋到初可人山色入牕虛坐收積翠同登眺

閒看流雲任卷舒

張宗蒼梧館新秋

清暉懸處淡烟光
濯濯堯峰帶翠涼
梧館蕭閒人倚榻
好教賦句屬歐陽

快霽

快霽新秋果暢情
清暉懸處倍光晶
即看萬寶西成報
不負三農東作耕
虛榭迎人涼籟納
高樓縱目遠山明
青瑤阿那崇椒路
指日鳴鞭問去程

題早桂

離離金粟早秋開
孕馥揚葩冒雨纔
恰喜快晴思點筆
臯塗精舍送題來

七月朔日作

立秋已逾旬
秋月乃始朔
金韃欣秩序
晶陽恰高暴
候正物情熙
氣爽人心樂
琳池泮穀紋
瑤臺朗天幕
屬詠向次寥
託懷因以邈

去歲喜晴多
乃因夏雨頻
今歲喜晴少
却為期依旬
與

與遍高下華黍香風勻西成諒可望稍足慰吾民遑敢
忘惕虞益惟凜敬寅

北省冀有秋南省失逢年近聞溫台郡斗米值千錢戶
口既日增衣食惟賴天民饑乃走險觸法吁可憐將寧
失不經效尤恐甚焉蠲賑既不惜更通楚國船近慰遠
則忘而吾豈其然

秋英

秋英綻幽芳翹楚亦可人泣露無定光裊風有餘芬曲

岸臨銀塘蘸影搖清淪居然蘭蕙友謝彼桃李羣設如
遇家丞檢校轉難分

昆明湖泛舟

秋入滄池瀨玉波蓼花極渚晚紅多金行滿意蕭澄景
此際惟應讓素娥

層峯霽翠落波心佳景當秋効靜深晴雨三時繁萬慮
西成盼近為開襟

泛湖最合新秋爽暑已去時寒未來澆沈明漪烟靄澹

蘭舟恰趁好風開

新月

碧漢牙痕細冷然素彩流掃除一向暑釣得許多秋桂
子透雲馥梧陰泣露稠溶溶入初夜引客上高樓

題張宗蒼山水畫

氣韻經營外雄渾秀竦中神如非獨契人亦率能工歸
岫秋雲白隔溪楓葉紅高樓延霽爽落瀑韻巖風照燭
將誰李拍肩應彼洪前峰萬林杪縱目俯長空

立仗馬

天閑之別以十二隨宜利用期悉備吉行五十師三十

在尚其德匪尚力叶圉人秣飼謹調良賦豆輸漿皆有

製不令過瘠及過肥在適其中具深意過瘠力弱將僨

轅過肥力壯每脫轡馬之良者轉受勞兼以飲餐不遂

志復有選色色貴白不妨駑駘亦可厠筋埋肉脹但取肥

以備仗馬飾朝制芻秣恣饗辭鞭箠排立移時旋休息

叶馬之駑者乃得逸豈遑計及中書譬言以彼易此誠不

可此理伯樂難擬議

奉

皇太后出口行圍撰吉起程即事十韻

習武兼觀俗遵循

家法常

鴻規思縝紹

鶴算喜康疆隔歲巡邊徼乘時選獵場所期綏內外即以靖封疆啟蹕撰良日橫鞭趁曉涼都人傳燕喜衛卒

逞鷹揚列嶂按藍近千畦環秀長朗懸晴靄碧香擁午
雲黃隨駐行秋輦行臨避暑莊

卷阿留勝蹟泉石待徜徉

石槽行宮對月疊辛酉歲舊作韻

新月涼輝也自妍晚芳弄影麗便娟行宮又駐金秋蹕
虛牖全延碧落天十歲了然別今昔半輪初不異虧圓
閒宵竭爾成清悟櫛櫛銀雲印穩眠

峯山口

跋馬黃花路遙指峯山口露浥快塵無晴暴占秋有
迤邐陟蘭磴此行初入山山民如舊識對我發歡顏
一逕平開白兩山夾輔青毋寧少蘊藉後疊翠為屏
峯山亦小嶺始登心為暢塞上最高峯行據雙眸放

懷柔縣

谷夷邑以庶縣小城則古室有僅餘糧野無不闢土稔
年畧可支歉歲多辛苦太平固佳事戶口日增許持盈
惕深衷朝夕遑寧處所祈邀屢豐庶可籌助補借問親

民官循吏誰召杜

曉行

山蹊破曉行詰曲舊諳程綠樹深藏雨黃雲遠帶城溪
喧昨夜雨烟斂早秋晴一以占農慰還因驗旅情

泥滑刺

泥滑刺馬不前十步九跌防危顛忽然於此憶乘船囊
橐滿載蒲帆懸設如江上遇石尤泊岸守候空留連安
得陸行者每值晴舟行者風順便又願四月天晴於育

蠶家雨於蒔秧田天地之大人猶有憾焉擲筆不復道
停鞭且詠漸車篇

即事

剗土廓山路歲久土為石石已不復土莓苔駁蒼碧深
戴古車轍淺含秋露澤變化誰所為土石兩不識竭爾
異剛柔歷然分主客

飲馬長城窟行

飲馬長城窟流來塞外水撐犁頭曼久外臣息燧銷兵

亦久矣飲馬長城窟遺蹟猶堪指埤現列嶂幾千年豎
不山齊心不止輶輶車中臭纔發可惜蒙恬旋賜死後
來豈少防邊人良民半作城下鬼六州鑄錯未為癡萬
古癡謀無過此

寒瓜

野店寒瓜可當蔬村民生計覽吟餘芻棚茅舍紛懸處
細雨涼風欲熟初體會遙思粟烝在荒唐漫說棗還如
烹蒸雅合山家供肉食休誇丙穴魚

晴

秋山易雨亦易晴金風奏爽天宇晶此時消盡閏壽度
禾黍香中旅騎行

山田

山田日以闢刀耕火種之所幸常有秋不辭辛苦治生
齒日滋繁地利詎有遺贏此邊外墾稍救乏業黎丁男
相踵至燕雲逮晉齊奚啻千萬戶梯巖事耕犁內外久
一家蒙古頗相資更慮啟忿爭治之良有司亦知非遠

圖權以醫燃眉

常山峪行宮八景

綠樾徑

一逕引人入勝千林宛爾相親怪底宜來雨後懸崖濺
沫垂紳

虛白軒

小軒虛白堪怡匡床憑几棲遲暮憶前秋此際清光不
隔多時

青雲梯

蒼筤勾千里，罨秀巉巖百級絕。塵大似子房，奇士陳平何物堪倫。

楓香坂

青楓過雨霏香，詰曲蘭椒里。強陟頂巖然，長嘯千峰紫翠夕陽。

蔚蔭堂

蔚蔭爾時書堂，每來翰墨生香。正擬搗詞，且置無過大。

塊文章

如是室

秋初山有餘翠霽後室生爽寒最是長宜靜坐奈予每
少幾閒

翠風埭

威紆翠埭林穿草蟲花蝶風前俯仰物物自得會心一
為听然

陵霞亭

夷峻位置孤亭四鄰山色來青六法誰能貌取嵐靄都
無定形

山月效韋應物體

向暝羣山陰入夜諸籟靜惟有清秋月徘徊弄寒影寒
影入我懷我懷與月佳天容既澗廓露氣滋芳荻相望
有餘意何異遊蓬萊

灤陽別墅

別墅蕭閒灤水陽到來依舊閱秋光擎青古茂松千尺

環碧高低山一房時聽鹿聲還隔嶺每看蝶影或踰墻
墨壺琴薦都清潔消得敲吟引興長

朝晡涼爽午猶炎節候初秋塞外占葉始作紅仍隱綠
潦將就減乍平添報寒野蝸常依砌餉蜜蜂不離去聲
檐應接翻嫌畧無暇峰容波態此中兼

小金山歌

灤江衮衮西北來東將入海歸溟渤源遠流長故遜岷
陰吸陽噓或如浙叶岷江浙江我適觀灤江此閱新秋

寒新秋不異前秋景得近忘遠逸興過河有砥柱山有
金欲赴且止其意深此間峭嶮肖浮玉惜無頭陀裴氏
開叢林底須金山四面包華屋廣陵之濤似神而非者
三亦惟天下獨會心濠濮樂在茲樹態峰姿况周足刻
削翠影落澄波時有甍甍擲林木江天奇境有如此浮
名小大何嗔喜彷彿山靈如是云勝彼虛詞吟不止

駐蹕避暑山莊詩成近體

仙館金韃莅葆旗行秋駐輦恰相宜會心即境真雙美

得意徵吟又一時繞

膝常欣承色笑

含飴每切憶恩私邊關內外西成近有喜吾民許共知

山雨

山雨霏空送嫩涼烟絲極目益蒼茫中元明日傳停蹕
漸石長途諒不妨

清舒山館

雲牕重此坐清舒峰翠迎人過雨餘前歲今秋饒歷歷

溪聲山色自如如單椒時下吻烟鹿芳沚頻浮唼浪魚
欲倚喬松尋琥珀落來清露濕衣裾

垂釣

富春以釣隱磻溪以釣顯亦各適其適何繫竿與綫
叶
跂石臨澄渚秋水冷然善垂絲致噉噉豈為烹鱖而願隱
顯非我為潛躍任彼轉渺瀰眇烟波興正復不淺

永恬居

構築深谷中嵐靄幻朝暮名之曰水恬允得岩居趣疊

樹罨蒼翠曲流繞蹊路仙卉四時芳奇峰一牕具澹泊
足怡悅春容而靜寤買山合周孔義經於是注

谿流

谿流勃雨後雨止流亦止
勦襲為學者奚以異乎此

聽瀑

濺瀑落巖鳴清機愜靜聲
寒垂一條玉虹掣九秋晴亂
點侵危石澄光襲敞楹
寒山千尺雪假藉芳為名

中元日放河燈

碧空雲散夜清妍
解讓秋蟾初度圓
雅合山莊陳節物
較羸江國鬧燈船
千枝朗徹巖邊樹
萬朶輝交火裏蓮
漏下松齋歸靜憇
依稀颯景似前年

山莊雜咏

每先秋獮駐山莊
水態峰姿引興長
佳景天成勝江國
早歲靈境待

仁皇

萬壑松風一室幽
芸牕如昨每吟留
卅年間學無此進

空覺羲娥迅似流

秋山雨過濯濃青
遠近泉聲謾入聽
新構雲居號松鶴
千秋萬載奉

慈寧

點筆文軒命墨娥
成書便擬號歸禾
未如七十傳靈囿
動植飛潛較總多

御製詩二集卷二十九